

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA DOBOJ JUG
OPĆINSKI NAČELNIK**

Broj:02-02-1-410-1 /19

Dana,22.04.2019.godine

Na osnovu člana 5. Pravilnik o raspodjeli novčanih sredstava za sufinansiranje dijela troškova liječenja neplodnosti postupcima biomedicinski potpomognute oplodnje u 2019.godini i člana 37. Statuta općine Doboj Jug („Službeni glasnik općine Doboj Jug“, broj:03/08) Općinski načelnik općine Doboj Jug objavljuje

JAVNI OGLAS

za podnošenje zahtjeva za dodjelu jednokratne novčane pomoći u svrhu sufinansiranja dijela troškova liječenja neplodnosti postupcima biomedicinski potpomognute oplodnje u 2019.godini

I

Predmet Javnog oglasa je dodjela jednokratne novčane pomoći u svrhu sufinansiranja dijela troškova liječenja neplodnosti postupcima biomedicinski potpomognute oplodnje u visini iznosa razlike između cijena usluga postupka biomedicinski potpomognute trudnoće i sredstava koje refundira Zavod zdravstvenog osiguranja Zeničko-dobojskog kantona u 2019.godini.

II

Sredstva za realizaciju ovog Javnog oglasa utvrđena su u budžetu Općine Doboj Jug za 2019.godinu, pozicija 614231, u visini od 10.000,00 KM.

III

Pravo na dodjelu **jednokratne pomoći** može se ostvariti pod uvjetom:

- da su podnosilac zahtjeva-žena i muškarac punoljetni i poslovno sposobni,
- da je žena-podnosilac zahtjeva u bračnoj ili vanbračnoj zajednici najmanje 3 /tri/ godine prije početka postupka liječenja neplodnosti postupcima biomedicinski potpomognute trudnoće;
- da oba bračna ili vanbračna partnera imaju prebivalište na području općine Doboj Jug najmanje 3 /tri/ godine prije početka liječenja neplodnosti postupcima biomedicinski potpomognute trudnoće;
- da žena može samo roditi postupkom biomedicinski potpomognute trudnoće;
- da žena u vrijeme podnošenja zahtjeva nema više od 42 godine života.

IV

Dodjela pomoći vršiti će se u 2 /dvije/ jednake rate u iznosima koji će se utvrditi posebnom Odlukom Općinskog načelnika u zavisnosti od broja podnesenih prijava a sve u skladu sa planiranim budžetskim sredstvima iz člana II. ovog Javnog oglasa.

V

Zainteresovani lica uz prijavu sa kratim opisom razloga njenog podnošenja prilažu slijedeće dokaze:

- a) fotokopija lične karte i uvjerenje o prebivalištu oba partnera (PB3 obrazac)
- b) Uvjerenje o kretanju za oba partnera (ukoliko se iz lične karte ne može utvrditi da imaju prebivalište na području općine Doboj Jug u trajanju od najmanje 3 (tri) godine prije podnošenja zahtjeva za priznavanje prava);
- c) Ovjerena izjava o zajedničkom domaćinstvu;
- d) Izvod iz matične knjige vjenčanih ili ovjerena izjava oba partnera data pod punom materijalnom i krivičnom odgovornošću o postojanju vanbračne zajednice u smislu člana 3. Porodičnog zakona FBiH;
- e) Nalaz i dokazi za liječenje neplodnosti metodama vantjelesne oplodnje izdat od nadležne ginekološko-akušerske klinike ili specijalista ginekologije koji se bave humanom reprodukcijom u javnoj ili privatnoj ovlaštenoj zdravstvenoj ustanovi koje imaju dozvolu za rad izdatu od federalnog ministra;
- f) Odluka ili drugi akt Zavod zdravstvenog osiguranja Zeničko-dobojskog kantona o refundaciji sredstava od cijene usluga postupka biomedicinski potpomognute trudnoće
- g) Račun ili predračun troškova postupka biomedicinski potpomognute trudnoće izdat u 2019. godini od strane zdravstvene ustanove koja provodi tu uslugu.
- h) Tekući račun podnosioca zahtjeva.

VI

U skladu sa raspisanim Javnim oglasom Općinski načelnik imenovati će tročlanu Komisiju koja će izvršiti uvid u podnesene prijave, te na osnovu dostavljene dokumentacije i činjeničnog stanja sačiniti prijedlog Općinskom načelniku o odabiru korisnika jednokratne novčane pomoći u svrhu sufinansiranja dijela troškova liječenja neplodnosti postupcima biomedicinski potpomognute oplodnje u visini iznosa razlike između cijena usluga postupka biomedicinski potpomognute trudnoće i sredstava koje refundira Zavod zdravstvenog osiguranja Zeničko-dobojskog kantona u 2019.godini.

VII

Na osnovu prijedloga Komisije Općinski načelnik donosi Odluku shodno članu IV. ovog Javnog oglasa.

VIII

Javni oglas biti će objavljen na oglasnoj tabli općine Doboj Jug, službenoj web stranici Općine Doboj Jug i oglasnim mjestima na području Općine.

IX

Prijave na Javni oglas sa potrebnom dokumentacijom kandidati dostavljaju u zatvorenoj koverti na adresu OPĆINA DOBOJ JUG, OPĆINSKI NAČELNIK sa naznakom „**Javni poziv za pomoć u liječnju biomedicinski potpomognute trudnoće**“ putem protokola općine Doboj Jug.

Javni oglas ostaje otvoren 30 dana od dana objavljivanja.

Nepotpune, neblagovremene i neuredne prijave neće biti uzete u razmatranje.

OPĆINSKI NAČELNIK

Mirnes Tukić, dipl.ecc